

陽城縣志卷之三

城池

縣城北魏興安二年築自濩澤移縣於此因營城郭爲治所焉城周三里一百八十步高三丈厚一丈濠廣一丈五尺東西南三門明景泰初知縣劉以文磚甃之於東西門建樓南建房置敵臺九座濠濠加深嘉靖中知縣楊登磚其堞萬曆五年邑人王尙書國光謀於當事復加繕葺當事及有司各捐贖錢以襄事知州于達真佐之知縣張應詔董其役築石基城垣以磚甃視舊增高

陽城縣志

卷之三

城池

五尺厚半之袤五百五十有九丈增設敵樓十東北建城樓規制始大備達真國光各有記崇禎間知縣楊鎮原復建樓於西北東西各增甃城亦甃以磚後知縣李定策又建樓於城之正北 國朝順治十六年知縣陳國珍雍正二年知縣彭景曾七年知縣吳紹祚並相繼修乾隆九年知縣謝廷瑜奉文復修凡城東西南三面甃剝者補之

舊志云城西北隆起形勢天然東西長而南北狹東南狹逾甚俗稱鳳凰城以形似也自下望之居人樓

城門之改始於何時
獨不記及是一憾事

閣高出睥睨上蓋下下高高因山營構矣舊志在明
景泰中城已甃乃萬曆初王尙書築城記則云舊係
土城後先相抵若是豈甃於劉以文者至是已久剥
抑劉當時議欲甃而事未舉乎不然尙書之記何不
少一及之耶舊志又以今縣治卽陽阿故城則更不
然夫縣移自濩澤名仍其舊前史明言之何陽阿之
有而漫引以相惑哉

王尙書之謀修縣城也時朝廷出官庫金命有司卽
所居里爲治第宅尙書謝不敢當旣而曰君賜不敢

陽城縣志

卷之三

城池

二

國朝丞相名目不抹
乃尔

辭竟以其金甃縣郭然此事王公不自言卽于達真
記亦勿之言至 國朝澤州陳丞相作陽城白巷里
免城役記始著其事時康熙初議修縣城集衆計役
尙書所居白巷里人言于邑令都甫述公甃城之功
令乃優公之子孫而免其役自城之甃也不二十年
當崇禎壬申癸酉寇盜狎至卒恃以安及順治初李
自成部賊劉忠衆數萬來圍城攻連晝夜然卒不得
破者城甃甚固人於是益思尙書之功
論曰都邑所居必有與守城郭是已王公設險易蓋

言之春秋城築必書虎牢成周備述其事則扞禦之要在焉非特爲其重土功惜民力也渠邱城惡恃僻卒潰傳乃訊之雖小而固我有足憑是所尙已陽城以彈丸邑介處深山非若通都大國有石城湯池之衛然自拓跋氏以來崇墉坂築歷有千載特其作之者旣殊統萬蒸土之堅復非仇池因石之險則崩圯圯墮歲月易見而事乘倉卒全保爲難此深識者所以有慮於機先也觀王尙書之記築磚城也其言曰舊係土築頽窳者半往歲亡命大猾嘯聚千人劫掠

村墟煽動遠邇且易視城垣數數窺伺縣民驚怖四出至勤官兵當是時城亦危矣幸賊不至耳設驟乘急攻一鼓且下然則雖有城而脆以不固不可深懼哉且其議城以土覆安能使無暴風雨潦攻之致敗是屢築而屢取潰矣且磚城爲費非不數倍於委土而十年爲計覆土之費立盡是不若磚城可以久長勞於一時而百年且受其利於是卒磚之予又以歎其籌畫精而度事詳也及夫老徊劉忠等驅其豺狼肆其狂怒謂城可立拔然寃不能乘墉攀堞毀其

垣隅而城危獸角之形守壯登陴之勢非磚城之賴
而誰力哉夫防未然者每在於無事之時藏險山川
者亦唯資預備之素後來者毋徒誦王公之功尙能
有以師其事其亦庶幾得料者歟

壇廟

寺觀附

社稷壇

在城西北隅

風雲雷雨山川壇

在城南

先農壇

在縣南一里雍正四年知縣彭景曾奉文買藉田六年
知縣吳紹祚建壇殿

厲壇

陽城縣志

卷之三 壇廟

五

在城北二里

八蜡廟

在西關外

城隍廟

在城中懷古坊其廟自昔有之不知建始何代明洪武
初知縣李芾主簿方涓更葺廟屋凡五十四楹宏敞堅
緻有宋訥碑記弘治庚戌縣丞劉澤等重修其廟之大
門與齋堂官廳儀樓画廊及廟前牌坊則成化中主簿
呂鐸所增設規模壯麗爲一邑祠宇冠冕焉

軒轅廟

在劉善村

虞帝廟

在縣南三十里劉福庄邑人傳沁水縣有歷山為舜耕處又言舜漁於濩澤因立廟於此

成湯廟

廟凡四有成湯廟有成湯東廟成湯西廟成湯南廟東廟在立平坊宋熙寧中建一修於宣和時再修於元至元元貞時西廟在懷古坊俗名二郎廟不知何時建明萬曆

陽城縣志

卷之三

壇廟

六

年修南廟在縣東南二里

俗名南神廟

國朝康熙十年邑人

田侍郎六善修其成湯廟在析城山上宋熙寧九年河

東旱通判王伍禱雨獲應上言其事詔封山神為誠應

侯宣和六年以廣淵之廟題榜湯祠加封析城山神嘉

澗公勅書勒石安廟壁上七年重修湯廟及嘉澗公祠

為屋合二百楹金時廟圯復燬於野火元初元帥延陵

珍與邑人王元武等共修復之李俊民為之記

唐太宗廟

在香臺山

舊志無此廟

云太宗為秦王時常引兵至此後人

因立廟祀焉今亦廢

關帝廟

在東關其建甚久元元統明正統弘治及國朝康熙十九年累並修葺

風神廟

廟有三舊廟在縣西二十餘里之蘇村新廟去舊廟五里許而小崦山亦有廟焉

高禰祠

在南郊

陽城縣志

卷之三

壇廟

七

龍祠

凡四一在崦山金泰和中有雙溪遺老韓士倩碑云唐天后時祠宇肇興中宗神龍元年以有靈應遣中使焚香賜以服鳥封靈顯侯昭宗加號普濟王周世宗時廟祀愈盛宋太平興國三年加號顯聖一黃龍廟在城南虎頭山一黑龍廟在靈通山側一棲龍潭神廟在城東龜山南

土地廟

凡二一在南關一在西關在西關者中有古檜一株蓋

數百年物

賢侯祠

在聚奎書院內祀前縣令王良臣安伸楊鎮原

忠義孝弟祠

節孝祠

二祠並在學宮明倫堂大門內雍正五年知縣吳紹祚建

玉皇廟

在東關北傳爲唐天寶中建金章宗時常修之舊有王

陽城縣志

卷之三

壇廟

八

廷筠碑今石存

天王廟

在城西北隅當最高處俯視山川色里堪輿家謂之天柱徵民多眉壽斃之爲臺不知何時始遠近瞻望煥映空表

五岳廟

在天王臺下創於金元時

論曰成民妥神國有常祀典蓋重哉非鬼而祭則謂之瀆淫祀無福疇鬼不仁古戒之矣近世以來祠廟

三靈者里人為祈禱應疾而祭北華者司其收之神天有牛星八端之中猶序猶祭使之心報之也二祠均非淫祀所以與南方之五道五顯不同

雜興邑里之間多至累百群奉所不當祭者侈其靈響機祥相煽祈求相率至乃金碧交於堂殿婆娑極於歌舞財糜眾惑非莫之知而弊不可挽觀於陽城窃猶歎其俗為近古而若是者少雖然玉皇天王與所為五岳者揆諸祭法義果安取特以其叛自前世歲月既久而聊志之若夫三靈水草西關有三靈廟山頭村有水草廟蓋不識其所祀之何神而里俗相淫惑也故不與諸祠並列云

寺觀

陽城縣志

卷之三 壇廟

九

開福寺

在縣西化源坊石晉天福四年建府志北齊天保年建舊名文殊

寺金大定中改名福嚴明洪武初改今額僧會司居之

乾隆十七年寺僧玄實等重修

保寧寺

在福民坊

鷲峯寺

在縣東三里東坡

福緣寺

在西郭北

華嚴寺

在城南一里一名什方院有石幢字漫滅不可復識圯廢已久 國朝康熙二年僧恒愍募復建今成叢林

香嚴寺

在縣東南十里澤河之濱舊名彌陀寺

雲峯寺

在縣東十里古栢清泉緣轉澗石寺南懸溜融結小峯奇秀

陽城縣志

卷之三

壇廟

十

龍泉寺

在縣東三十里龍泉之側一名海會唐乾寧元年建初名郭峪院蜀僧順懿增修後賜額龍泉禪院舊有舍利塔明嘉靖中邑人李思孝增造爲十三級塔北更剏佛殿其方丈則太宰張慎言所成

龍岩寺

在縣北三十里白岩山亦稱白岩寺明釋祖湯梵誦其中
有白兔聽經之異白尚書所知有龍岩石龕銘叙其事

開明寺

在縣東北三十五里隋開皇中建明正統中重修其地
林木蒼蔚雙泉風湧明萬曆初劉鴻訓相國張慎言太
宰孫鼎相尙書孫居相中丞四人同時讀書寺中後皆
大貴寺僧每詫爲盛事寺久廢僧心印者力任興復致
功數十年今伽藍更新

壽聖寺

在縣西北四十里後唐僧宗慤建天成二年舍利放光
宋初改爲泗州院毀於真宗時天禧間僧法澄等重建
治平四年賜額壽聖下澤州錄勅付本院有中書門下
平章事王曾牒文碑明萬曆間僧惠海建琉璃塔

雲堆寺

在縣東二十里相傳仙人呂岩曾遊於此

金臺寺

在縣南二十里石臼村

靈泉寺

在縣北四十里卧虎山麓松栢翠蔽岩谷間寺有後唐
明宗與僧洪密勅書司空侍郎碑金時刺史楊廷秀構

萬松亭於其上寺中有石磬一不瑀不琢音聲清越銅鐘銘云後晉開福年作其形橢而不圓乃洪密遺物僧徒傳寶之

千峯寺

在縣西南八十里盤亭山側相傳後唐明宗爲將時常至此踐位後勅建寺焉寺與靈泉海會爲邑中招提之最勝昔時多遊者題咏尤衆

府志云明宗駐軍高平洪密預識之爲建靈泉禪院經樓百餘間司空圖撰碑如此言則寺乃明宗建碑

陽城縣志

卷之三

壇廟

十三

亦似明宗使圖作之者矣考圖於昭宗時知朱溫欲行篡逆義不負唐卽引身去雖以禮部尙書召終不肯應未幾聞昭宗之禍不食數日卒安得至後唐時尙存而爲作碑哉蓋昭宗時所爲太尉駐高平者乃晉王李克用是時明宗以克用義兒雖爲將猶未貴顯觀司空氏所爲碑其文云密由清涼山歷覽至是乃剏林棲之所遇太尉李公首資構葺則院本洪密自建克用特以資財助其功耳密旣處禪院求記司空事乃如此而遂謂經樓齋堂一百餘楹爲是勅建

殆僧徒夸大之言非實錄也唯明宗隨克用軍中或
早與密相識及代莊宗卽位因密上表稱賀遂改賜
禪院加以寺額耳府志於千峯寺下亦云明宗駐此
卽位後勅建是又訛一事爲兩事矣

福勝寺

在壽聖寺北近寺雙潭澄碧其一四圍石厓水自厓出
一似盆狀其傍有石如獅子對踞其始建蓋未詳也

太清觀

在懷古坊金大定時建舊有閣高四十丈鑄鐘萬筋道

陽城縣志

卷之三

壇廟

三

士李洞靈所作李俊民爲記道會司居之

太極觀

在縣西南四十里元時所建

岱岳觀

在臺底村府志作太岳云金孫仲遠提點南都上清宮
告歸請改太岳廟爲觀

萬齡觀

在白澗村

靈泉觀

在王村

長生觀

在淇汭村

真武閣

在東郭傍有化龍池

陽城縣志

卷之三

壇廟

古

學校

義學

書院附

陽城在宋元世舊有廟學居城東南隅化源坊明洪武初
詔天下新學宮於是邑令李芾重建以舊基狹隘乃擴
學西廢地以益之外爲大門入爲戟門儀門中爲先師
殿東西列兩廡傍爲明倫堂其啟聖祠今爲崇聖祠在
明倫堂東北隅有退廳三楹在明倫堂後有東西齋各
五楹在儀門左右有青雲館及左右號房館後改文昌
祠有敬一亭在青雲館東北舊之聚奎亭也有尊經閣
在城東南上今改魁星閣有養廉倉今久廢 教諭宅

陽城縣志

卷之三

學校

五

在青雲館東訓導宅在教諭宅東 名宦祀在戟門東
祀宋縣令張之才尉陸餘慶金縣尹張恪元縣尹李裕
路有讓韓汝弼關世傑趙繩祖主簿周克明明縣令鄧
州李芾王珪黃岡劉以文靈臺史書新河陳寬房山谷
景通高陵王傳壽張楊縉咸陽張應詔新城王象蒙商
城熊偉山東王雅量河南王良臣淄川安伸陳州楊鎮
原教諭劉一清蔡深主簿孫文澤典史王擲 國朝知
縣杏山王毓祥延津都甫 鄉賢祠在戟門西祀金進
士衛元凱元澤國公鄭鼎明尚書原傑僉都御史楊繼

宗布政使李豸叅政王玟叅政張昇副使楊植尙書王國光副使李養蒙按察使賈之鳳御史楊新时期尙書衛一鳳尙書白所知叅議張志芳叅議王徵俊尙書張慎言國朝叅議石鳳臺贈學士白所蘊贈吏部員外郎田世福巡撫張璿尙書白胤謙知縣楊鵬翼運使王崇銘春坊喬映伍贈吏部尙書田雨時侍郎田六善巡撫張泰交大學士田從典凡修學者明成化中史書嘉靖中鄒頤賢萬曆中張應詔國朝順治十五年知縣陳國珍康熙八年都甫其學宮大成殿災於康熙二十八年令項龍章重新焉至壬戌歲明倫堂亦圯則邑人故戶部侍郎田六善所修也

縣舊志修學無鄒頤賢府志則無史書今考正鄒令之修爲補入之

義學在縣倉之西康熙四十八年知縣朱紹濂所設聚奎書院乃舊設以教學者康熙十五年邑紳士改建爲三賢侯祠祀明陽城縣知縣王良臣安伸楊鎮原同文書院係乾隆初年知縣謝廷瑜設

論曰邑有學校所以教其秀良使興其行而成其材

論學校大指以文為重
此謂文者亦只此等
彭揚又藝以開於國中
於學以性理定者了不
涉口之學了知矣

藝異日科第仕宦出其中名人魁士出其中即用於
朝廷而為羽儀楨榦者亦出其中是以士貴自勵而
士必資於教者為政之先務是不可不講哉凡士誠以
行為尚顧尤要於文文之既嫻藝之既精然後雍容
爾雅遠乎椎魯英華發輝是稱鴻寶未有學勿澤文
勿優而可廁躬大雅者也陽城故號小庠然歷觀諸
前輩皆文行卓然彬彬君子矣今陽城號大庠歲補
弟子員至二十人諸生名籍學宮不啻數百其循分
自守陽書之所謂陽鱗者蓋無有焉顧騰英蜚實吐

陽城縣志

卷之三

學校

七

文振彩揚其藝以聞乎國中而特達表奇往往未見
豈今昔人之不相迨聞見隘眇師資或寡歟抑懷小
璣握寸璧以自寶貴取盈而意足歟夫瞋擲摘塗非
學也掩目而辨黑白非教也居於鄉曲者拘其方長
於坵里者蔽其俗習以安焉雖有崇高廣大之域而
莫之知雖有珍奇美麗之端而勿能識也語曰善遊
者觀都觀都者觀市蓋國都華壯四方和會百官宗
廟美富咸備五都之市名貝奇琛器瑰工巧充羨傍
溢始目之而驚再觀之而適終玩之而知其名數不

覺爲之意聳神動準準然有以自異然後笑其向者
拘方蔽俗之甚陋而自此遠矣宋人爲鈞者拙於鈞
國中學之鈞莫不鈍有聞楚鈞利者不憚千里往荆
請師焉三年盡得師術以返乎宋試爲鈞獨利於是
宋鈞皆廢而人以其鈞特名向不捨宋師楚且終身
鈍拙與俱故荀卿子之勉學也曰在得師師良教精
執規矩者進乎伎矣是以璧瑗之治礪礪之功也莫
邪之割砥礪之力也師襄學琴於成連三年不進從
連刺舟入海聞天風波濤蕭瑟悲厲之聲曰先生將

移我情故情不移琴亦不成此師所以鑄學者學者
所以得於師猶朱藍之染滌漸之化也後世言循良
吏興起文學比於鄒魯莫如文翁特文翁當時唯能
選司馬相如等使東至京師受五經句讀歸教蜀人
於是人始知經王襄王褒之徒乃彬彬繼出不然苟
無授受以相師法雖欲從事文學亦何由興哉韓文
公在潮州舉進士趙德爲師然後潮之士篤於文行
材藝輩起由是觀之士固宜教尤貴乎得師若爲士
求師必得其人非長吏責而又誰責近世宰邑者以

學校委之廣文視爲此非已任詩人城闕之刺從而聽之者有矣其或以爲士之材類不一廣文於教有所不能盡爲設書院選俊髦加之考課勗以修業事亦備矣雖然使徒以其名而實勿至知士之當教不知教在所師亦宋人之爲鈞也已故志其說示守土者盡心焉

官署

庫獄
營房附

倉庾

舖司

諸公所

陽城縣署在城東北化源坊明洪武四年知縣李芾建外
 爲大門入爲儀門自儀門入爲正廳縣令聽政治事之
 所也廳東西分列吏舍正廳之後爲退思堂正廳東北
 爲知縣宅寅賓館在儀門東衛政司在儀門西戒石亭
 在廳事前縣鐘鼓樓在大門東申明亭在縣治南今移
 立平坊街南縣庫在正廳右縣獄在大門西其邑令修
 署者天順中曹銘正德中郝安嘉靖中鄒頤賢辛珊萬
 曆中王雅量及 國朝康熙中都甫項龍章許岳生線
 榎並加修葺

陽城縣志

卷之三

官署

三

縣丞宅在知縣宅南今廢

主簿宅在正廳西今廢

典史宅在正廳東南

巡檢司署在東冶村乾隆十二年設

舊察院行署在立平坊

舊布政分司在察院西

舊按察分司在布政司南今並廢

公館在化源坊街南

陰陽學在化源坊街南

醫學在陰陽學南

縣倉在城隍廟西

社倉四所

澗城 下交 王曲 北留

馬廠在縣治西

演武廳在城南門外

養濟院在東關

漏澤園在東進里

陽城縣志

卷之三

官署

三

義塚在東郭外明邑人澧州同知陳仲弟施地三畝
有碑存

舖司

總舖在西郭外

下孔舖縣東十里

沁渡舖縣東二十里

北留舖縣東三十里

李邱舖縣西十里

陽邑舖縣西二十里

友泉舖縣西三十里

芹池舖縣西四十里

泉秀舖縣西五十里

大峪溝舖縣西六十里

已上舊設雍正二年知縣彭景曾奉文添設舖司房

十處

沈壁縣東三十五里

南留縣東二十五里

劉善縣東十五里

陽城縣志

卷之三

官署

三

後則腰縣東五里

水磨頭縣西五里

王曲縣西十五里

圪針腰縣西二十五里

堡子灘縣西三十五里

五里庄縣西四十五里

呂家河縣西五十五里

墩

李邱 陽邑 南上 芹池 泉秀嶺

下孔 沁渡 北留 安陽

堡

下孔 北留 屯城 沁渡 上佛 王村

潤城 劉善 王曲 美泉 北安陽

營房

雍正二年知縣彭景曾奉文添設營房十二處

在城營房 城東下孔營房 沁渡營房

北留營房 城西郭外營房 李邱營房

陽邑營房 友泉營房 芹池營房

陽城縣志

卷之三

官署

三

泉秀營房 大峪溝營房 孤山營房

雍正七年北留下孔西郭外李邱陽邑友泉泉秀營

房皆汰去其東冶村新建營房整臺係乾隆五年知

縣謝廷瑜奉文添設

風俗

士多廉恥之風愛重名行民尚節儉盡力農桑

風尚淳朴無囂凌訐聞之習業相安事從簡質故官不煩而政易理

縣在山中冠蓋罕至人鮮雜處是以其民觀聽專慤無浮華之眩而性少遷流土雖瘠而戶不甚貧地雖偏而仕宦輩起

縣人多守農業爲士者次之無大商賈執工技者亦鮮其山區峻阻舟車莫通故百貨所需貿遷者寡相率儉約

陽城縣志

卷之三 風俗

十四

俗有由然

論曰俗之不可變者勢也顧亦未常不變俗之變而不可復者亦勢也顧未常不可復其變與復亦各視其時會而俗因之耳陽城在山西列縣中其土風氓俗素以敦龐著異時爲士者篤於學爲農者篤於耕其士大夫多修行砥名戒其子弟卽閭巷細民亦謹愿慎畏法度且昔之論者本富爲上好富爲下晉人多好心計操贏居奇陽城獨無爲大商賈尚貨殖以誇雄其鄉里致使貧富相效慕強弱相僕役是其俗

之尤近於古也今爲士者不必盡篤於學科第仕宦之盛視昔少衰矣爲農者不必盡篤於農或去而謀什一以其勤穡之力從富人於他縣者有矣向時少惰游者今持手而食衆且多矣向時不事華靡今飲食衣服或有尙美好者矣凡此皆俗之變也夫俗不能不變然變亦視乎其俗俗之本澆變益從漓則水之就下愈深雖善挽者不可以時計效若陽城舊俗其敦朴質厚之旣如此雖變猶未幾於甚澆則導而復之也易語曰齊一變至於魯魯一變至於道蓋言

魯俗本善有善變者使之一移轉間耳予將以此爲吾陽喻焉誠使縉紳先生與邑父老者德爲鄉里素服者起持主之喪祭詔之以禮而止其侈燕會率之以度而返其約戒其子弟使知游惰之非勸其里黨使革蒲博之失以農桑爲先務唯謹愿而是循則忠厚之風視今猶昔矣